

সাহাবায়ে কিরামের (رضي الله عنهم) পারস্পরিক মান-মর্যাদা সম্পর্কে আহলে ছুন্নাত ওয়াল জামা'আতের 'আক্বীদাহ কী?

সাহাবায়ে কিরামের (رضي الله عنهم) পারস্পরিক মান-মর্যাদা সম্পর্কে আহলে ছুন্নাত ওয়াল জামা'আতের 'আক্বীদাহ কী? এ বিষয়ে আহলুছ ছুন্নাহ ওয়াল জামা'আতের 'আক্বীদাহ হলো:- এই বিশ্বাস পোষণ করা যে, রাছুল এর পরে এই উম্মাতের মধ্যে সর্বশ্রেষ্ঠ ব্যক্তি হলেন আবু বাকর আসসিন্দীক্ব। অতঃপর 'উমার ইবনুল খাত্তাব। তারপর 'উছমান ইবনু 'আফ্ফান। উপরোক্ত তিনজনকে কোনরূপ মতানৈক্য ব্যতীত যেভাবে সাহাবায়ে কিরামগণ নির্দিধায় প্রধান্য দিয়েছেন, আমরাও তাদেরকে সেভাবে প্রাধান্য দেবো। উল্লেখিত তিনজন সাহাবায়ে কিরামের মধ্যে পারস্পরিক মর্যাদার এ তারতম্য ও ধারাবাহিকতা নিরূপণের প্রমাণ স্বরূপ আমরা 'আব্দুল্লাহ ইবনু 'উমার (رضي الله عنه) বর্ণিত হাদীছে দেখতে পাই, তিনি বলেছেন:-

كُنَّا نَعُدُّ وَرَسُولُ اللَّهِ صَلَّى اللَّهُ عَلَيْهِ وَسَلَّمَ حَيًّا ، وَأَصْحَابُهُ مُتَوَافِرُونَ: أَبُو بَكْرٍ ، وَعُمَرُ ، وَعُثْمَانُ ، ثُمَّ نَسَكُنْتُ.^১

অর্থ- রাছুলের (ﷺ) জীবদ্দশায় এবং পর্যাণ্ত সংখ্যক সাহাবায়ে কিরামের (رضي الله عنهم) উপস্থিতিতে আমরা (সাহাবায়ে কিরামের মান মর্যাদার তারতম্য) এভাবে গণ্য বা বিবেচনা করতাম- প্রথমে আবু বাকর (رضي الله عنه) , অতঃপর 'উমার (رضي الله عنه) , তারপর 'উছমান (رضي الله عنه) , এরপর আমরা (এ ব্যাপারে আর কোন কথা বলতাম না) চুপ হয়ে যেতাম।^২

শ্রেষ্ঠত্ব ও মর্যাদার দিক দিয়ে উপরোক্ত তিনজনের পরবর্তী স্থানে সমাসীন রয়েছেন 'আলী ইবনু আবী ত্বালিব (رضي الله عنه) । এর প্রমাণ হলো হাদীছে ছাফীনাহ নামে সুপ্রসিদ্ধ হাদীছ। এতে রয়েছে, রাছুল (ﷺ) বলেছেন:-

تَكُونُ الْخِلَافَةُ ثَلَاثِينَ سَنَةً ثُمَّ تَصِيرُ مُلْكًا.^৩

অর্থ- খিলাফাতের সময়কাল হবে ৩০ বছর, অতঃপর রাজতন্ত্র প্রথা চালু হয়ে যাবে।^৪

আর এ ৩০ বছরের মধ্যে 'আলী (رضي الله عنه) এর খিলাফাতকালও অন্তর্ভুক্ত। এতেই তার মর্যাদা ও শ্রেষ্ঠত্ব প্রমাণিত হয়।

১. صحيح البخاري- ৩৬০০

২. সাহীহ বুখারী- ৩৬৫৫

৩. الفتح- ১৭/১, ৫৪, ৫৮, ৫৯. الصحيحة- ৬০, ৬১

৪. আল ফাতহ- ৭/১৭, ৫৪, ৫৮। আসসহীহাহ- ৪৬০

শ্রেষ্ঠত্ব ও মর্যাদার দিক দিয়ে উপরোক্ত চারজনের পরবর্তী স্থানে সমাসীন রয়েছেন পরামর্শ পরিষদের (আহলে শুরার) অপর চার ব্যক্তিত্ব। যথাক্রমে:-

১। ত্বালহা رضي الله عنه

২। যুবাইর رضي الله عنه

৩। ‘আব্দুর রাহ্মান ইবনু ‘আউফ رضي الله عنه ।

৪। ছা‘আদ رضي الله عنه ।

এদের সকলেই খালীফাহ হওয়ার যোগ্য ছিলেন এবং প্রত্যেকেই ইমাম ও অনুসরণীয় ব্যক্তিত্ব ছিলেন।

মর্যাদার ক্ষেত্রে আসহাবে শুরার পরবর্তী স্থান বা আসনে রয়েছেন- বাদরী তথা বদরের যুদ্ধে অংশ গ্রহণকারী মুহাজির সাহাবায়ে কিরাম رضي الله عنهم । অতঃপর বাদরী আনসার সাহাবায়ে কিরাম رضي الله عنهم । তাদের মধ্যে মান-মর্যাদার তারতম্য নিরূপিত হবে ঈমান গ্রহণ ও হিজরাতে অগ্রবর্তীতার (যার আগে যিনি ইছলাম গ্রহণ করেছেন এবং যার পূর্বে যিনি হিজরাত করেছেন- এই) ধারাবাহিকতার ভিত্তিতে।

শাইখুল ইছলাম ইবনে তাইমিয়াহ رحمته الله বলেছেন:- যদি কেউ এ সকল ইমামের কারো খিলাফাত সম্পর্কে কোনরূপ খারাপ মন্তব্য করে, তাহলে সে গৃহপালিত গাধার চেয়েও নিকৃষ্ট বলে গণ্য হবে।^৫

এদের পরে সর্বোত্তম লোক হলেন- সেই সকল সাহাবায়ে কিরাম رضي الله عنهم যাদের মধ্যে আল্লাহ ﷻ তাঁর রাছুল মুহাম্মাদকে ﷺ প্রেরণ করেছিলেন। যাদের প্রত্যেকেই ন্যূনপক্ষে এক বৎসর অথবা এক মাস কিংবা একদিন অথবা এক ঘন্টা বা এক মুহূর্ত বা এক পলক ঈমানের সাথে রাছুল ﷺ এর বারাকাতময় সাহচর্য লাভ করতে পেরেছেন। এদের প্রত্যেকেই পরবর্তী যুগের সকল তাবি‘য়ীন رضي الله عنهم থেকে উত্তম ও বেশি মর্যাদাবান।

এ কথার প্রমাণ হলো- ‘ইমরান ইবনু হুছাইন رضي الله عنه থেকে বিশুদ্ধ ছন্দে বর্ণিত হাদীছ। এতে রয়েছে, রাছুল ﷺ বলেছেন:-

خَيْرُ أُمَّتِي قُرْنِي، ثُمَّ الَّذِينَ يَلُونَهُمْ، ثُمَّ الَّذِينَ يَلُونَهُمْ.^৬

৫. মাজমু‘উল ফাতাওয়া লি শাইখিল ইছলাম ইবনে তাইমিয়াহ- ৩/১৫৩৫। এ বিষয়ে আরো বিস্তারিত জানতে চাইলে দেখুন!

শারহুত্ ত্বাহাওয়ীয়াহ, পৃষ্ঠা নং- ৪৬৭-৪৮৯

৬. ২০২০- ৩৬০. و مسلم- ২০২০

অর্থাৎ- আমার উম্মাতের মধ্যে সর্বোত্তম হলো আমার যুগের উম্মাত, অতঃপর তাদের পরবর্তীগণ (তাব'য়ীগণ), অতঃপর তাদের পরবর্তীগণ (তাব'য়ে তাবি'য়ীগণ ﷺ)।^৭

সাহাবায়ে কিরামের (ﷺ) মধ্যে যে যত বেশি রাছুল ﷺ এর সাহচর্য লাভ করেছেন, তাঁর মর্যাদা ততো বেশি।

যারা রাছুলকে (ﷺ) স্বচক্ষে দেখতে পাননি এবং তাঁর মুবারাক সাহচর্য লাভ করতে পারেননি, তারা যদিও সকল প্রকার নেক আমাল সম্পাদন করে থাকেন, তবুও রাছুলের (ﷺ) মুবারাক সাহচর্য, সাক্ষাৎ ও দর্শন লাভে ধন্য হওয়ার কারণে সাহাবায়ে কিরাম (ﷺ) তাদের থেকে অধিক উত্তম ও মর্যাদাবান। এর প্রমাণ হলো- কোরআনে কারীমে আল্লাহ ﷻ ইরশাদ করেছেন:-

وَالسَّابِقُونَ السَّابِقُونَ مِنَ الْمُهَاجِرِينَ وَالْأَنْصَارِ وَالَّذِينَ اتَّبَعُوهُمْ بِإِحْسَانٍ رَضِيَ اللَّهُ عَنْهُمْ وَرَضُوا عَنْهُ.^৮

অর্থাৎ- মুহাজির ও আনসারদের মধ্য থেকে যারা সর্বপ্রথম অগ্রজ এবং যারা যথার্থভাবে তাদের অনুসরণ করেছেন, আল্লাহ তাদের প্রতি সন্তুষ্ট হয়েছেন এবং তাঁরা আল্লাহর প্রতি সন্তুষ্ট হয়েছেন।^৯

তাছাড়া এ বিষয়ে বিশুদ্ধ ধারাবাহিক ছন্দে আবু ছা'য়ীদ খুদরী رضي الله عنه হতে বর্ণিত হাদীছে রয়েছে, রাছুল ﷺ বলেছেন:-

لَا تَسُبُّوا أَصْحَابِي، لَا تَسُبُّوا أَصْحَابِي، فَوَالَّذِي نَفْسِي بِيَدِهِ لَوْ أَنَّ أَحَدَكُمْ لَفُتِقَ مِثْلَ أُحُدٍ ذَهَبًا، مَا أُدْرِكَ مَدُّ أَحَدِهِمْ، وَلَا نَصِيفُهُ.^{১০}

অর্থ- তোমরা আমার সাহাবাদেরকে গালি-গালাজ করো না। তোমরা আমার সাহাবাদেরকে গালি-গালাজ করো না। যার হাতে আমার প্রাণ তার শপথ করে বলছি, যদি তোমাদের মধ্যে কেউ উহুদ পর্বত সমপরিমাণ স্বর্ণও আল্লাহর (ﷻ) পথে ব্যয় করে, তথাপি তা তাদের (অগ্রজ মুহাজির ও আনসারদের) এক মুদ্ (এক সা' এর চার ভাগের এক ভাগ) এমনকি তার অর্ধেকের সমতুল্যও হবে না।^{১১}

সাহাবায়ে কিরামের (ﷺ) পারস্পরিক মান-মর্যাদা বিষয়ে আরো বিস্তারিত জানতে হলে ইমাম ইবনে হাযম رحمته الله সংকলিত এবং উছ্‌তায় ছা'য়ীদ আফগানীর ব্যাখ্যাকৃত “আল মুফা-যালা বাইনাস

৭. সাহীহ বুখারী- ৩৬৫০। সাহীহ মুছলিম- ২৫৩৫


৮. التوبة- ১০০

৯. ছুরা আত্‌তাওবা- ১০০

১০. متفق عليه

১১. সাহীহ বুখারী ও সাহীহ মুছলিম

সাহাবা” পুস্তিকাটি দেখা যেতে পারে।

(সূত্র:- উসূলুছ্ ছুন্নাহ লিল ইমাম আহমাদ ইবনু হাম্বাল )